



L E T T R E

A MONSIEIGNEVR
LE PRINCE
de Condé.



MONSIEIGNEVR,

N'y ayant que trop
de langues malignes,
qui prestent comme il leur plaist
des charitez à autrui, i'ay sçeu
qu'on vous a r'apporté, que i'e-
stois l'Auther d'un certain li-
belle, qui a couru sous le tiltre
imaginaire d'une lettre de Mes-
sieurs de la Cour de Parlemét de
Bordeaux : Mais c'est chose si

A

*dupl. de
not. cat. 151*

fausse, que l'Imprimeur qui y a mis son nom, ne dira iamais que ie luy aye baillée, ny ame viuante de ma part, dont i'appelle Dieu à tesmoing; & que la main me seche en escriuant, si ie voudrois l'auoir faicte, ceux qui me cognoissent n'ignorans pas que ce n'est ny mon stile, ny mon humeur de faire de telles imprecations à autrui, & sur tout à vn Prince de vostre rang & qualité, à qui ie dois au contraire les vœus de toute benediction & prosperité. S'il y a depuis ces derniers remuemens, quelques autres petits discours qu'on m'attribuë, i'estime, Monseigneur, qu'à les considerer sans aigreur ne passion, il ne s'y trouuera chose quelconque dont on

se puisse iustemēt offencer, mon intention n'ayant esté autre, que d'exhorter à leur deuoir ceux qu'on a creu de bruit commun se porter au mal. Car la crainte, ou pour mieux dire la commiseration que les gens de bien eurent, de voir d'abord des Princes Catholiques s'approcher en leur mescontentement d'un des capitaux ennemis de l'Eglise, & mesmes les rauages de toute vne pauvre Prouince, touchèrent les cœurs de plusieurs, qui desplorās ceste calamité, taschèrent de remonstrer par leurs escrits, la pitié qu'il y auoit de troubler en l'innocence de ceste minorité, vn royaume si pacifique, & si heureusement gouverné, qu'on n'en peut blasmer l'ad-

ministration, sans taire le fruit
 qu'on a recueilly depuis le de-
 cès du feu Roy d'immortelle
 memoire, & de l'Estat duquel
 on ne peut pas dire comme de la
 Republique de Thebes, dont la
 gloire en commença & finit
 tout ensemble, en la seule per-
 sonne d'Epaminondas, veu que la
 France est aussi florissante qu'elle
 ayt iamais esté du viuant de
 ce grand Roy. Si auoir donc
 plaint & gemy le mal de sa pa-
 trie, & si auoir apprehendé vne
 lamentable decadence de l'au-
 thorité royalle, est chose reputée
 à crime, ie ne sçay ce qu'on peut
 plus appeller vertu, si la flaterie
 & la complaisance n'ont pris sa
 place & ne portent son nom, ou
 qu'au langage corrompu du sie-

de, il faille dire que les tenebres
soient lumiere. Je sçay que les
Grands sont si puissans, qu'ils
peuvent de leur soufle mettre
en pouldre vn homme de ma
condition: Mais quand cela au-
roit à m'arriuer, ma conscience
demeure au moins consolée, en
ce qu'ils auront pris de la main
gauche, ce que ie leur ay presen-
té de la dextre, ayant seulement
blasmé le mauuais conseil qui
les a portez à la diuision, & non
leurs personnes, ausquelles ie
n'ignore pas l'honneur & la
reueréce qui leur est deuë: Mais
en la cause de l'Estat, où les
moindres sont interessez, com-
me estans tous dans vn mesme
vaisseau, c'est chose que vous
sçauiez estre excusable de soy

mesme, qu'un homme de bien
n'y ayt non plus espargné son
encre & son papier, qu'il seroit
tenu au besoing d'y espandte
son sang. C'est, Monseigneur,
ce que i'auois à vous represen-
ter sur le faux bruit dont on
a abreué vos oreilles, ne m'es-
tant toutesfois peu persuader
qu'un si grand Prince ayt creu
facillement vn tel rapport, non
plus que toute la France ne se
peut imaginer que vous ayez ia-
mais eu de vostre mouuement,
aucune mauuaise intention de
troubler son repos. Esperant au
contraire de vous voir bien tost
retourner à la Cour, elle se pro-
met ce bon heur que vous y ser-
uirez de bras droict à son Roy,
& qu'assistant leurs Maiestez de

vos fidelles conseils, nous verrons continuellement fleurir la Pieté & la Iustice en ce Royaume, la discorde (source de nos maux) en estant chassée, comme vne seconde Helene qui causa tous les tumultes des Troyens. Et afin que vous puissiez tousiours mieux coôperer au bien, ie prieray Dieu que la crainte de son Sainct Nom soit vne perpetuelle lampe à vos pieds, à ce que cheminant droictement en ses voyes, toutes vos actions se rapportent à sa gloire & à l'eternelle splendeur de ceste Couronne.

*A Paris ce 17.
May, 1614.*

Vostre tres-humble &
tres-obeyssant seruiteur
P E L L E T I E R.

THE HISTORY OF THE
CITY OF LONDON
FROM THE FOUNDATION
TO THE PRESENT
BY JOHN STOW
1618

Printed by I. I. for I. I.
1618